

一、御序御勅

（一）东汉黄香《进黄氏家谱表》

臣香诚惶诚恐顿首，顿首百拜，谨奏：

先奉敕出，六世祖颍川太守霸作黄氏世谱，及先子续黄氏谱，并以后迨至于臣共十二世，前后谱牒付。臣闻大宗小宗之法，《周礼》小吏掌邦国之志，奠繫世之次。夫繫谓帝天子之繫，世谓世诸侯之世，昭之與穆谓父昭而子穆也，夫小吏所掌辨其昭穆斯可矣。必先奠繫世者，何哉？正以昭穆之辨别本乎，繫世之奠定爾。小吏所掌，盖若彼谱牒不明，昭穆谬乱，长幼失序，亲疎淆混，曷足以知之。臣香識见几庸，不足以当小吏之职，过蒙恩宠越其材。

臣香诚惶诚惶，顿首顿首。切谓編集之法，有当因者，有当革者，当因而革必失其迹，当革而因必紊其伦。审乎此而后編集之法

定，世繫之譜明矣。六世祖始作此譜，規模既具，節目咸張若綱，有綱有條而不紊，吾先子因之蓋審乎此而定矣。今觀其初述陸終，有本源也，謂陸終之后迨至于歇公，历年世远，无附会也。父子相承，各自为世，兄弟并列同为一世，序昭穆也。自歇公至子皆书其謚，由兹而後，仕以官祿稱，弗仕益公稱，敬所尊也。始终岁时必书某代某君某甲子，昭穆先后也。迁居必书，正源流也。几此书例，燦然可观，内史之所谓奠世繫辨昭穆者彰彰矣，何必改作以为異。令上其陸終之下，自歇公至于今几十二世，尊歇公为始祖，二世为昭，三世为穆，准其悉以六世祖及先子为本定位，编世譜二十卷，为缮写十册各开名目，具表陈进以闻。

臣香誠惶誠恐頓首，頓首百拜謹言

大漢永元十年戊戌（公元九八年）二月望日

厚載之寶

来源：清乾隆十四年新安《黃氏大宗譜》

(二) 唐太宗赐御撰《始修黄氏宗谱序》

蓬蒿之松，必蓄数百年而后高耸；泛滥之泉，必流数百里而始汪洋；苟蓄不久，流不长，则劝；寻常之木，涓滴之水耳。求其高、汪洋曷得乎？吾人之族，亦如是焉。

尔矣始祖南陆公一人也，必积几十年、几百年而后子孙以千百计；几千年而后子孙以千万计；百百千万人之身，其初一人之身也；百百千万人之心，亦一人之心也。见其庐，则思吾祖所居也，而企心生焉。见其祠，则思吾祖所祀也，而敬心生焉。见其山与田，则思吾祖所创也，而勤心生焉。或有鰥寡孤独，所当悯者而吾悯之；贫穷患难所当惜者，而吾惜之；冠婚丧祭所当助者，而吾助之；忠孝廉节所当劝者，而吾劝之；梗顽奢傲所当惩者，而吾惩之。黄氏族人，得此观感者，莫不尊卑蔼焉！仁义以相亲，长幼以相序。虽有迁从之际，死亡之异，而皆翕然曰：『吾祖在也！』是当吉相庆而凶相扶；是几

得其仁让之凤，而不坠先人之志耳！由是而观，则蓬蒿之松为栋为梁，泛滥之泉为江为海。而一人之后，为故家、为巨族、为名门，从可知矣。猗欤休哉！兹奉圣天子飭音纶序。

侍御史黄毅字左弘，创修家乘，不敢违时，谨此特序
敬呈

御览 御裁已定飭，交 侍御史黄毅刊刷谱首。
以昭

皇恩浩荡，圣德优渥，足征黄姓为显门巨族。

大唐贞观十二年岁次戊戌（公元六三八年）仲春月谷旦

唐秘书郎岑文本 盥手 拜撰

（三）唐高宗皇帝御赐黄氏发祖源流谕

朕按尔姓发源，盖自炎帝神农氏，得位一百四十年。传于帝临，在位十八年。临帝子帝承，在位六十年。承帝子帝明，在位四十九年。明帝子帝宜，在位四十五年。宜帝子帝来，在位四十八年。来帝子帝里，在位四十三年。帝里子节茎，生克及戎，皆不在位。克生子帝榆，罔因诸侯离心，其臣蚩尤作乱，而帝迁都于涿鹿；其诸侯侵伐，帝不能禁；在位五十五年。众诸侯来宾从轩辕，轩辕修德治兵，抚万民，度四方，尊为天子，即黄帝有熊氏。黄帝母日副实，初见火电绕北斗福星感而怀孕，二十四月生帝子轩辕之丘，因名轩辕。帝生而神灵，弱而能言，幼而徇齐，长而敦敏，成而聪敏。国有熊氏，是为黄帝。黄，中和之色，自然之性，万事不易。帝始作制度，得中和，万世常存。故称帝也！帝之四妃，生二十五子；在位百年，寿一

百十有二岁，葬于乔山（即今陕西省黄陵县）。元妃，娶西陵氏之女，日螺祖。生昌意，不得位；娶蜀山氏之女，日易仆，是为女枢，感瑶贯月之样，而生颡顼。少佐少昊，国于高阳，号高阳氏，年二十即帝位。帝静渊而有谋，疏通而知远，养才以任地，载时以象天，故世称为历宗，在位七十八年，寿九十七岁，葬于濮阳（即今东昌府）。娶邹屠氏之女，生骆明；骆明之传夏禹也！生苍舒、骥凯、禘盛、大临、庞降、庭坚、中容、仲达、称八凯；又娶胜贇氏之女，生卷章、穷蝉，穷蝉之传大舜也。而卷章娶日乔，生子日黎、日回。黎氏为祝融官，佐高辛氏。回娶夏侯氏，生陆终。陆终娶鬼方氏，共生六子：日樊人、日惠连、日篋铿、日会人、日曹安、日季连。长子樊人，治水有功，舜封为昆吾；三子钱铿，封于彭城；四子会人，封于郑圻；五子曹安，封于邾圻；六子季连，封于楚地。而次子惠连，受封于黄国，以国为氏。尔姓固出于黄帝，而封于惠连，为受姓祖也！系出神

明，准志谱牒。永传勿替。特谕。

唐高宗咸亨元年冬腊月日命下

（注：咸亨元年即公元六七零年）

《大唐黄禹锡等呈奏江夏黄氏族谱表》

咸亨元年八月十五日，臣黄禹锡稽首顿首。窃惟探月窟以知物，摄天根以识人；原于帝德之覃敷，本乎乾年之厚德；臣工快睹，夷夏共瞻。臣等谨奏皇帝陛下；臣姓颛顼之孙，陆终之后，受封以黄，因以国为姓焉。商吏黄滚，父子为皇姻；周将黄渊，佐灵王为将帅；春秋黄歇，封春申君；汉相黄扉，西汉黄霸，教化大行，得吏民心，治平为天下第一。念臣之远祖，江夏以来，亦颇繁衍，斯臣未溯

连枝。自承东汉太守刘护旌表孝德黄香，建庙湖广德安府，墓在安陆，暨诸伯叔共祀之始祖也！愿皇上准臣修谱，焉胜荣幸之至！谨奉表呈奏以闻。

唐进士尚书黄禹锡

羽林虎衙黄秉乾、黄秉清奏

（四）宋太宗御批《大宋黄震等三修黄氏宗谱进呈表》

据该臣黄震等抄录家谱一卷呈览，咨尔黄震若祖若宗，历代簪纓，实为忠孝，可称江夏无双。爰选着翰林院学士杨亿代为撰序，以彰黄氏为历代名门巨族。

宋太宗端拱元年御赐纶音：

朕闻江夏乃是名宗，咨尔宏猷，实兼孝道，能追远代之基，顾有不忘于本，其如所愿，裕以丕承。

（注：端拱元年，即公元九九八年）

《大宋黄震等三修黄氏宗谱进呈表》

大中大夫资治少尹兼广东转运使臣黄震，节制使兼提举诸军事臣黄朝等。兹者臣欲详世德，重修家谱，未敢擅举，因而启奏圣明，倘允微臣之请，待其命下，即付梓行编订进呈。臣震等诚惶诚恐、稽首顿首上言，伏以玉叶金枝，帝胄衍天潢之裔派，祖功宗德，民心怀木本之遐思，韦述以来，即尊谱系而柳叶之世，并纂家乘，是以寻水必寻源，敢谓善述媲善作，故前代毅公之奏，主眷可隆！

兴朝震等臣衷弥切虽快兹之接代，实踵前修；然念昔之开先难为后进，幸真尚文之代，乐成世系之书，际景运之昌隆，睹章程之明备，诚未有如今日者也。当我太祖新辟乾坤，肇修编纪，太度能方五

帝，用宽而抚寰区，高明可冠百王，以孝而临天下，终未遑以不急之务，重烦推广之心。恭惟太宗皇帝统继开天，光同复旦；参两间而启宇，综六合以成家，敦本固而垂荫者茂，发源深而泽者长；四海沾恩，万民颂德；咸仰戴皇帝，推致中和兼全，位育之至意也！臣之感激位于黔黎，几莫测喻其浅深，何止同以洋溢！切念微臣生当盛世，长自寒宗，远接陆终公之始封，上绍春申君之馀裔；而臣未能播先代之令德，踵前人之遗踪，岁久年深，宗零族散；幸赖皇帝陛下以文明之治，莫海宁以仁孝之御，御朝廷合万姓之冠裳，溯千秋之源本，敦其亲族，明其伦常，崇其纪纲，绵其继述，舒之化日，扇以淳风。伏念微臣窃见本宗星驰云逐，叶散枝分，恐垂裔之飘摇类同流之浩瀚，至保姓氏。而有忝阙疑信以多愆，臣具奏闻，愿陛下容纳微言，开张圣德；臣具宗谱以叙根由，如蒙准奏，俾臣所为，则臣之祖已沾垂

泽，凡臣之宗已沐殊恩；上可识生之所自来，而下可令继志无终替矣。谨奏此表，呈进以闻。

大宋端拱元年岁次戊子暮春月谷旦

大中大夫资治少尹兼广东转运使臣黄震

知贵军节制使兼提举诸军事臣黄朝

四月初三日蒙

(五) 宋神宗授刑部尚书黄灝资德大夫勅

奉天承运

皇帝诏曰：明刑弼教必藉果断之臣，执法御民须得刚方之士。顾兹重任宜得其人，咨尔正治。上卿刑部尚书黄灝，文武材全，智仁德备；闻望素隆于朝野，忠贞简在于朕心。似此名贤，宜膺显擢。今特以尔为资德大夫，尔其精白乃心，恪共厥职。致君尧舜，期四方还浑噩之风；接武皋夔，俾百姓化囂顽之俗。朕命惟允。尔往钦哉。

勅命

宋熙宁二年己酉五月初四日
之宝

（六）宋徽宗《敕太史秘书丞黄庭坚》

敕曰：

立身由于德行，立名由于文章。才学兼备而政事尤能忠爱君国者，秘书丞集贤校理似之。今特加封为朝议大夫，永膺金紫，鹄立朝廷，何其荣哉！』

大宋政和元年（公元一一一一年）

（七）宋徽宗御制序

分宁双井之泉有黄卿名庭坚者，其子相。一日进其族谱，乞朕序。朕披阅之，备知其鼻祖陆终，演迤而为五十三世之泽。甲第簪纓，蝉联鳬奕，可谓盛矣！可谓远矣！昔老泉谱苏氏曰：『人之一身分，而至于亲尽，则视如途人。』此谱之所以作，朕尝有感于斯语，而犹以为未尽，人情变之。嗟呼！亲尽相视如途人，薄矣！安知有亲未尽而有疾视如仇讐者乎？谱岂可无作，亦岂可徒作。谱官爵之盛不如谱诗书之盛，谱族党之富不如谱礼让之富。杜房门户非不辛苦，随为不肖子孙败之；崔卢门第非不高华，及其泉冷仅足供樗蒲之用耳。皆不免后世之作非笑。然后知诗书之泽长，礼让之风远也。阅兹奏请，则诚人心风俗千百年不磨之典，试聚族谋之。傥以朕言为非欺，则黄氏之谱自是万世指南悠久绵亘矣。

宋政和三年八月二十日

(八) 宋高宗追赠黄庭坚直龙图阁大学士敕

奉天承运

皇帝制曰：故朝奉郎黄庭坚，自熙宁大臣用事变法，始以异同排斥士大夫。维我神祖，念之不忘。元丰之末，稍稍收召。接于元祐，英俊盈朝，而尔以文彩风流为一时冠，学者欣慕之。及继述之论起，党籍之禁行，而尔每为罪魁，则学者以其言为讳。自是以来，缙绅道丧，纲纪日隳，驯致宣和之乱，言之可为痛心。乃朕纂承先绪，既从昭洗，今加赠尔龙图阁大学士，官子孙各一人，斯足以见朕志矣。呜呼！西清之遊，书殿之选，惟尔曹为称。使生而得用，能尽其才，亦何止于是欤？举以追命，聊申赍志之恨，亦以少慰天下士大夫之心。英爽不忘，歆此休显。

勅命

宋绍兴元年辛亥三月 日

之宝

（九）宋高宗赐户部尚书黄叔傲勅

奉天承运

皇帝诏曰：亮采惠畴，特重端揆之选；持盈保泰，急须坐论之人。故树望台端，正以专耳目股肱之托；秉衡宏化，乃以广翼为明听之资。宜精白乎乃心，务期勉于一德。咨尔户部侍郎黄叔傲，涵养深醇，天资朴实，持大中之理。学制而美锦，尤惭操至正之衷；补衮而弥缝，必大文成火藻，欣瞻云蒸霞蔚之奇；吉叶茅茹，立覩豹变龙骤之盛。兹特晋尔为户部尚书，既荷恩纶，益扬休命，钦哉。

勅命

宋绍兴二年壬子二月 日

之宝